



Vuk'uzenzele

Uyetsulelwa Tekuchumana Tahulumende Nekuniketa Lwati (GCIS)

Siswati/English

Indlovulenkulu 2016 Lushicilelo I



Sikolo lesisha sebantwana labe- Autism

Likhasi 7



Kwesekelwa kwelusha lwasetindzaweni tasemakhaya

Likhasi 8

INETIKHANGISO TEMISEBENTI

Sisonkhe asichubekiseleni iNingizimu Afrika embili



Mengameli Jacob Zuma ugcugcutele bahlali baseNingizimu Afrika kutsi babambisane kute basite ekuchubekiseleni lelive embili.

Chris Bathembu and Amukelani Chauke

Mengameli Jacob Zuma ucinisekise bahlali baseNingizimu Afrika, labangakanetiseki ngesimo setemnotfo lesingasisihle kwanyalo, kutsi akumelanga baphelelwe litsemba, kepha kumele babambisane kute kuguculwe lesimo.

ENkhulumeni yakhe Yebunjalo Belive enyangeni leyengcile, lebeyibukelwe tigidzi tebantfu, Mengameli Zuma ubike kutsi timo letimatima emhlabeni kanye nalapha ekhaya kumele tigucugcutele “kutsi siyiphindze kabili imitamoyetfu, sibambisane sitinhlaka tonkhe”.

“Sibe nemihlangano lebeyimpumelelo nebamhizinisi, kufaka ekhatsi imihlangano lesezingeni lelisetulu netiKhulu Letisetulu

(ema-CEO)...sive tiphakamiso letivela kubemabhizinisi mayelana nekutsi singasigucula njani simo sibuyisele umnotfo endleleni yekutsi ukhule,” kushito Mengameli Zuma.

Umemelele kutsi hulumente utfutukisa umtamo lobitwa ‘One Stop Shop/Invest SA’ ngenhloso yekukhombisa kutsi iNingizimu Afrika yemukela emabhizinisi. Hulumente utawunonophisa kwetfulwa kwetinsita, ngekubambisana nemkhakha wangasese.

KUHHOHLOKA KWEMNOTFO EMHLABENI WONKHE

Mengameli Zuma ukhumbute bahlali baseNingizimu Afrika kutsi lelive, njengelyenti lemave lanemnotfo losatfutuka, litsikametekile ngekuhlohloka kwemnotfo emhlabeni wonkhe.

“Liciniso nyalo ngukutsi kukhula emaveni emhlaba kusesephasi. Timakethe temhlaba tiyagucugucuka. Timali temave lasakhulako tiphelelwa ngemandla kantsi tigucugucuka kakhulu.

“Ngenca yekutsi umnotfo wakitsi mncane kantsi uvulekile, utsikanyetwa ngito tonkhe letingucuko letentekako. Umnotfo wakitsi uphindze utsikanyetwe tehlakalo letenteka lapha ekhaya letinjengetinkinga tagezi kanye nebudlelwane emkhatsini wetisebenti nebacashi lokuvame kutsi kungasimami ngaletinye tikhatsi,” ushito njalo.

Umnotfo wakitsi uphindze utsikanyetwe tehlakalo letenteka lapha ekhaya letinjengetinkinga tagezi kanye nebudlelwane kutetimoni lokuvame kutsi kungasimami ngaletinye tikhatsi.

Sikhwama Semali Yemave Emhlaba (i-IMF) kanye Nelibhange Lemhlaba babiketela kutsi umnotfo waseNingizimu Afrika utawukhula ngaphasi kwe-1% kulomnyaka. Imiphumela yekukhula kwemnotfo lokuphasi kanye nesimo setemnotfo jikelele kuveta kutsi imalingena legcogciwe itakuba ngaphasi kwaloko bekulindlelekile ngaphambilini.

Mengameli uphindze wavuma kutsi iNingizimu Afrika ibonakala isengotini yekulahlekelwa lizinga lekukleliswa kwayo kutikhungo letiklelisa emave.

“Nangabe kwenteka loko, kutawuba matima kakhulu kutsi kuboleka imali emaveni langaphandle kute sichase ngetimali tinhlelo tetfu tekwenta imphilo lencono yawo wonkhe umuntfu, ikakhulukati labaphuyile.”

Ucele bahlali baseNingizimu Afrika kutsi basebentise lelifuba lelizinga lekushintjanisa ngemali kanye netingucuko kumitsetfo yetincwadzi tekungena kulamanye emave, kutsi kufukulwe tekuvakasha. Tekuvakasha taseNingizimu Afrika titawusisa ngetigidzi leti-R100 ngemnyaka kute kutfutukiswe tekuvakasha talapha ekhaya, kugcugcutelwe

bahlali baseNingizimu Afrika kutsi bavakashele live labo, ushito njalo.

KUNENCHUBEKELEMBILI LEYENTEKAKO

Acondzise kunchubekelembili leseyentiwe kuleminyaka lembalwa lenyengcile, Mengameli Zuma uphawule kutsi inkampani yembuso letfutsa imphahla iTransnet yakhe sakhiwonchanti saloliwe lesente

“Eskom, nanome nje anetinsayeya, usakhona kugcina temnotfo tichubeka, ekhatsi kwetinchabhayi. Tikhungo tetfu tentfutuko letinjengeNhlango Yekutfufukisa Timboni kanye Nelibhange Lentfutuko Ye-Afrika leseNingizimu, kanye naletinye tiniketetele ngemali yesakhiwonchanti kutimoni letehlukene kanye nakumabhizinisi etekulima ngaphandle kwekwehluleka, nangemuva kwetinkinga tetimali emaveni emhlaba.”

kutsi timayini talelive tihambise timphahla letinkhulu letihanjiswa emachwebeni bese tiyiswa etimakethe emhlabeni wonkhe.

Sikhungo Setemigwaco eNingizimu Afrika (i-Sanral) sakhe lemnye yemigwaco lencono eGauteng nakuletinye tincenye talelive. I-Trans Caledon Tunnel Authority yakhe emadamu lahlukana ngekwemitsamo yawo, lokwenta kutsi bahlali baseNingizimu Afrika batfole emanti ekunatsa lahlobile.

> Iyachubeka elikhasini le - 2

SA urged to register to vote

South Africans have been encouraged to register to vote in the upcoming local government elections.

The first registration weekend will be on 5 and 6 March. President Jacob Zuma announced during the State of the Nation Address, in Parliament, that the local government elections will be held within three months after



18 May, the date of the last local government elections.

“We urge the youth, in particular those who are turning 18 this year, to register in their numbers for this first ever opportunity to cast their votes,” said President Zuma.

FINDING YOUR CORRECT VOTING STATION

All eligible voters (South African citizens aged 18 or older) should ensure they are registered in the correct

voting district where they ordinarily live. Voters who are already registered can SMS their ID number to 32810 (cost R1) to receive confirmation of their voter registration details including the name of their voting station.

Voters need to take with them their green barcoded ID book, smart ID card or a valid temporary ID certificate to the voting station. No other forms of ID are accepted for voter registration.

It’s important for voters to vote where they live.

Register to vote in the 2016 Municipal Elections on 5 and 6 March 2016. All voting stations will open from 8am to 5pm over the weekend of Saturday 5 March and Sunday 6 March.

There are a number of ways voters can find their correct voting station:

- Call the Electoral Commission Contact Centre on 0800 11 8000 between 7am and 9pm weekdays.
- Use the voting station finder app on the IEC website at www.elections.org.za
- Dial *120*IEC# (*120*432#)



Luhlelo lwekwakhiwa kwetindlu i-Fleurhof lungulolunye lwetinhlelo letinkhulu letihlanganisile tekuhlaliswa kwebantfu eGauteng.

Takhiwo telidolobhakati letingetulu kweli-100 setivele tichunyiwe nge-WiFi kantsi netindzawo leti-370 setivele tinayo. Luhlelo lolungasebentisi tintsambo lwetfuliwe eBraamfonteni, lokwenta kutsi bantfu bakwati kutfoli iWi-Fi lengakhokhelwa kutingcondvomshini letiphatfwako, kumatablets nakubomakhalekhikhini labasebentisa loluhlelo kanye nekutfoli linani lelingu-1GB ngenyanga mahhala.

Imitapomabhuku letsite le-35 eJozi ihlanganisiwe kuloluhlelochumano lolubanti le-inthanethi lësheshako kantsi leminye le-52 itawulandzela emkhatsini wa-2016. Luhlelochumano lwe-inthanethi lolusheshako nalolumahhala lutakwenta bahlali baseJozi bafinyelele eluhlelweni lolukhulu lwemanyuvesi loluvulelekile lapho batawukwati khona kufundza batfole neticu etikhungweni temfundvo lephakeme letihlonishwa ngemave emhlaba.

KUVULELA KUTICAMBELA

Ngeluhlelo i-#Hack.Jozi Challenge lelidolobhakati lihehe bantfu labahlakaniphile

nalabanemcondvo webhizinisi bendzawo labachamuke nemibono lemihle yemikhicito yetheknoloji letawusita ekusonjululweni kwetinkinga emimangweni yabo. Kubekelwe eceleni imali letigidzi leti-R5 yekwesekela emabhizinisi lacalako anemikhicito yetheknoloji kuliDolobhakati Lesimanje.

Nakubukwa lizinga lelësheshako lekutfutseleka kwebantfu emadolobheni, kukhona tisombululo letibonakalako tesikhatsi lesitako etindzabeni letinyenti letibukene neluntfu lokumele titfolakale emadolobheni lokumele tiholwe baholi babohulumende basekhaya. Lamanye emadolobhakati aya ngekwandza abuka eNingizimu Afrika, kumadolobhakati lanjengeJozi, kute atfole kukhutsateka kanye nekucamba kabusha.

Lena yindzima iJozi njengelidolobhakati lase-Afrika lelinelikhono lelisebili lelitimisele kumelana nayo.

IMIKLAMO LEMIKHULU YETINDLU

Lelidolobhakati licondze ngalokuphelele ekuhlangabetaneni nemigomo yalo yekwakha tindlu tekuhlala leti-95 000 nga-2019.

Imiklamo leminyenti yekwakhiwa kwetindlu itakuba nemtselela lovakalako ekukhuleni kwelidolobhakati iseyimicabango noma kusigaba sekuhlelwa. Imali lelinganisela kutetigidzigidzi letinge-R657 ibekelwe eceleni kulungiselela imiklamo yekwakha ngemnyakamabhuku wanga-2015/16 – sisabelo lesicishe siphindvwe kabili kusabelo sangaphambilini. Lemali itakwenyuswa ifinyelele etigidzini leti-R932 kulomnyakamabhuku lotako.

Lemiklamo lemikhulu itawuniketa ematfuba ekubukana nekugcwalalana, intfutuko yekusebentisa tindlela letihlanganisako kanye netekutfutsa, kuhlangukiswa kwematfuba etemnotfo kanye netindzawo tekuhlala.

Letintfutuko tihlelwe ngemacambu lasikhombisa, lasabalele kulidolobhakati lonkhe kusukela eluhlangotsini lweteku hlala nalokuhlelwe ngekulandzela luhlelo lweNgucuko yeGauteng, Kwentiwa Kwe ndlela Yesimanje kanye nekuhlelwa Kabusha Kwetimboni.

Letincenye letisikhombisa nguleti:

- Indzawo yekucala leyatiwa ngeLanseria City isenyakatfo neliDolobhakati. Kutakuba nemiklamo lemikhulu endzaweni lesedvutane neLion Park, eMphumalanga neDiepsloot kanye naseRiverside View, Ext 28.
- Loku kutawukhucita tindlu tekuhlala leti-46 500 kuphindze kuchumanise iJozi, iTshwane kanye naMasipala Wesigodzi saseNshonalanga Randi.
- Indzawo yesibili iseNyakatfo Nshonalanga neJozi. Imiklamo lechubekako ifaka ekhatsi iCosmo City kanye nentfutuko iMalibongwe Ridge, leniketwe tigidzi leti-R88,8 kulomcombelelo wanyalo. Kutfutukiswa kweZandspruit eHoneydew kutawuchubeka ingce nje nasekusonjululwe tinchabhayi tetemvelo tetindzawo letimachaphothi.
- Indzawo yesitsatfu eningizimu neJozi

itawutfutukiswa kute kuchutjekiselwe embili tinhlelo tekubukana nekugcwalalana. Imiklamo eSouth Hills naseKlip-town-Nancefield iyachubeka kantsi yaseSouthern Farms nase-Ennerdale Ext 19 itawulandzela madvute nje. Naseyihlanganiswe yonkhe lemiklamo itawukhucita tindlu tekuhlala leti-68 000.

- Indzawo yesine igcile kuTakhiwchanti Tenkhululeko kanye nasekuvuselelweni kabusha kweNkhamba Yelidolobhakati iJozi. Loluhlelo lusesigabeni sekuhlelwa kwanyalo kepha lutawukhucita emakhaya lati-50 000.
- Indzawo yesihlanu yatiwa ngeNew City 2 kantsi ihlanganisa i-Alexandra neModderfontein, ichumanisa imphumalanga yelidolobhakati kanye ne-Ekurhuleni. Tindzawo letinsha lokwakhiwako kuto yiRabie Ridge, Marlboro kantsi nekwakhiwa kwelinyenti letindlu letitsengwe ngetikweletu kusesesigabeni sekuhlelwa.
- Indzawo yesitfupha ichumanisa iJozi neSedibeng kanye neNshonalanga Randi kute kwakhiwe iNew City 3. Linani selilonkhe letindlu tekuhlala leti-24 000 liyakhiwa eLufhereng kantsi intfutuko lehloswe nguhulumende waseGauteng eSyferfontein itawukhucita kwakhiwa kwalamanye emakhaya lati-60 000. Tindzaba letitsintsa dalimede kanye nekuhanjiswa kwe-esidi yasemayini kusabukanwa nato kwanyalo.
- Indzawo yesikhombisa ibukene neFleurhof. Tigaba sekucala nesebile tiyakhiwa njengamanje kantsi titawukhucita emakhaya lati-18 200 ngalesikhatsi kusabukwa tinhlelo tesikhatsi lesitako teGoudrand Ext 4.

Mtfombo: City of Joburg.

Kulungiswa kwemgwaco eLephalale

Umklamo wekutfutukisa umgwaco lobita tigidzi temarandi ulindzeleke kutsi uhlomlise tinkhulungwane tebahlali baseLephalale, eLimpopo.

Lomklamo, lowetfulwa nguSodolobha Jack Maeko ngeNgongoni nyakenye, utakwenta ncono kufinyeleleka kutekutfutsa kanye nasemigwacweni lemihle emalokishini asetindzaweni lali-13, lokuyintfo leyenta kutsi bahlali bakwati kuhamba ngalokukhululekile nangalokuphephile endzaweni.

Inkampani yemalahle i-Exxaro Grootegeluk kanye neRoads Agency Limpopo (RAL) banikete inkampani i-Aurecon South Africa (Pty) Ltd ithenda yekuhlela imigwaco yaseGa-Seleka.


Emalunga emmango lahlala dvutane naseSefithlogo, Morwe, Botshabelo, Moong, Segale, Botsalanag, Kopanong, Kgobagodimo naseLetlora atawuzuzisa ekwentiweni ncono kweMgwaco i-Rietfontein (D3102 ne-D3114). Kulungiswa kweMgwaco i-D3109 kutawuzuzisa bahlali baseKiti, Motswedding, Dipompong naseMokuruanyane.

Atfula inkhulumo yelusuku emcimbini wekusayina, Sodolobha Maeko ubonge i-RAL kanye ne-Exxaro ngesandla labasifakile ekutfutukisweni kwesakhiwanchanti.

“Hulumende udzinga umkhakha wangasese kute ente loko lokutimfuno temmango. Konkhe kungenteka ingce nje nasibambisene.

“Lomklamo wekwakhiwa kwemgwaco utakwaha ematfuba lamanyenti emsebeni uphindze unciphise buphuya,” kushito Sodolobha Maeko.

Ucele emakhansela kanye nebaholi bemmango kutsi batise bantfu lababahlolako ngenchubekelembili leseyentiwe. Umphatsi we-Exxaro Group lobukene Nekutfutukiswa



Sodolobha waMasipala waseLephalale Jack Maeko (ngasekugcineni kusekudla) akhulumisana nemalunga emmango esikhungweni sekutfoli lwati lesisha eMarapong.

Kwemmango, Ramesh Chhagan utsite i-Exxaro itibophelele ekwesekeleni ummango.

“Ummango utakwenta kube nekuhamba lokukhululekile kwebantfu kuphindze kuholele ekwakhiweni kwematfuba etemnotfo lahlukahlukene. Sihlala sitibophelele ekufakeni sandla lesivakalako emmangweni waseLephalale kute kucinisekiswa kutsi sishiya lendzawo isesimani lesincono kakhulu kunaleso lesiyitfole ingiso,” kushito Chhagan.

Sikhulu Lesisetulu (i-CEO) se-RAL Petros Matji sibonge litsimba lemklamo ngekunonophisa luhlelo lwekucinisekisa kutsi kunenchubekelembili lebonakalako emklameni.

“Kute kucinisekiswa kwendluliselwa

kwemakhono kanye nekuhlonyiswa Kwemabhizinisi Lamancane Nalasekhatsini (ema-SMME), i-Aurecon itawusebentisa ne-Exxaro, i-Roads Agency Limpopo kanye naMasipala waseLephalale kulesigaba sekuhlela,” ushito njalo Matji.

Ngetulu kwaloko, tindlela lekusebenta letisebentisa tandla kakhulu titawusetjentiswa ngesikhatsi sekwakhiwa kantsi loko kutawuzuzisa linyenti lemalunga emmango langasebenti, ikakhulukati lusha lwasetindzaweni letisedvute.

KUBUYELA KUSICALONCHANTI

Njengencenye yemkhankhaso wekuBuyela Kusicalonchanti, Sodolobha Maeko kamuva nje uvule sikhungo selwati eMarapong. Siyabonga ngalesikhungo ngobe ummango

ngete usahamba emabanga lamadze kute uyewungenisela ema-CV awo eluhlwini lwalabafuna umsebeni kumasipala.

“Masipala utsetse umtfwalo wekucinisekisa kutsi kuyo yonke miklamo yentfutuko yetemnotfo endzaweni, takhamuti tendzawo tibekwa embili nakufikwa endzabeni yemsebeni,” kushito Sodolobha Maeko.

Kucashwe tikhulu letimbili tetekuchumana kwemmango kute tiseite ekulawulweni kwalesikhungo selwati.

Umkhankhaso wekuBuyela Kusicalonchanti, lowetfulwa nguMengameli Jacob Zuma ngeNyoni nga-2014, uhlose kucinisekisa kutsi bomasipala basebentela imimango kancono ngekwenza kutsi bafinyelele kahle kutinsitanchanti.

HULUMENDE WASEKHAYA

IJozi – ilidolobhakati lelinemasu lamasha



EJozi kunemiklamo lemikhulu leminyenti yetetindlu lesevele ichubeka nome lesahlelwa.

IJozi iyachubeka nekuhamba embili njengelifidolobhakati leleta nemasu lamasha eNingizimu Afrika, ngekubiketela temnotfo letitakwetfula lokuhle ekucaleni kwa-2016. Nanome nje kunetinsayeya tetemnotfo, kwenyuka kwentalo yemali lebolekwako kanye nekwehla nekwenyuka lokusheshako kwetimali letisetjentiswa ngemave, lidolobhakati laseJozi lime labonakala njengalelisibonelo sekusimama kanye nekuphatfwa kahle kwetimali.

KUHEHA KUSISA

Sitfunti salelidolobhakati njengenzawo leheha kusisa sicinise sincumo sakamuya sesikhungo sekuklelwa kwemave emhlaba, i-Fitch Ratings, kute kutfutukiswa kuphindezwe kuciniswe kuklelwa kwalelidolobhakati kwesikhatsi lesidze.

Lesikhungo sishayele tandla lelidolobhakati “ngekusebenta kahle kwalo kuluphaketotali lolucinile” nakubukwa emazinga emave emhlaba. Sivete kutsi iJozi ilidolobhakati lelikhulu nalelinotsile kujolive kantsi iphindezwe nemahhovisi langemakhaya etikhungo tetimali nemabhizisini lamakhulu. Lombiko uveta kahle likhona lalidolobhakati lekungenisa imali kanye nekuniketa bakhokheli betinsita tamasipala lokufanele imali yabo kutinsita nemtselo labawukhokhelako.

I-Fitch icaphele kutsi, nanome nje kunekwehla kutemnotfo kuvelonkhe, kusisa kwalelidolobhakati

kusakhiwanchanti ngetigidzidzi leti-R10 kweminyaka lelishumi kutakwesekela kusebenta kahle kwetemnotfo walo losolomane uchubeke njalo. Loku kutawuholela ekukhuleni Kwesambakhulu Semkhicito Wasekhaya (GDP) nga-2% kuya ku-3% esikhatsini lesisemkhatsini lesitako lokutawuholela ekwenyukeni kwentsela lengenako nakweniwa kuhambisane nekwenyuka kancane kwelinani lebanfu.

Kubasisi bemave emhlaba, kukhombisa kutsi lidolobhakati iJozi liyinzawo lephephile nalangaletsa inzuzo nakungasiswa kuyo. Kubahlali bendzawo, bakhokhi betinsita letetfulwa ngumasipala kanye nemkhakha wetemabhizisini, loku kutfumela umlayeto lomuhle kutsi tinchubomgomo letetfulwa lidolobhakati tinguletifanele kanye nekutsi baholi belidolobhakati bangatsenjwa kutsi bachubeke nalendlela labahamba kuyo njengamanje.

Loku kumele kuholele kulokunye kusisa, lokuholela ekukhuleni kwemnotfo, ekwaxhiweni kwemisebenti kanye nasekuchubekiseleni embili ematfuba ekwenta ncono sakhiwanchanti kanye nelizinga lekwetfulwa kwetinsita kulelidolobhakati.

Kamuya nje, lelidolobhakati lizuze Umklomelo Wemadolobhakati losembili

w-e-C40 wanga-2015 ngemtamo walo wetisombululo tekugucugucuka kwesimo selitulu (i-Green Bond) eParis. I-Green Bond, lebhahliselwe ngebasisi labanyenti, seyeniyuse imali letigidzidzi leti-R1.458 kulomnyakamabhuku lowengcile kantsi lemali isiswe emiklameni leminyenti ngemtamo wekwenta lelidolobhakati lifake sandla ekulweni nekugucugucuka kwesimo selitulu.

LUHLELO LEKUTFUTUKISA TAKHIWONCHANTI TENKHULULEKO

Nga-2012/13, Sodolobha waseJozi Parks Tau wamemetela kutsi lelidolobhakati litawusisa ngetulu kwetigidzidzi leti-R100 emiklameni lemikhulu yesakhiwanchanti esikhathini seminyaka lelishumi lechumene Netakhawinchanti Tenkhululeko, i-Corridors of Freedom.

Takhiwanchanti Tenkhululeko luhlelo lentfutuko lehambisana netekutfutsa lolutakwenta kutsi iJozi igucule luhlelo



IJozi ilidolobhakati lekucala lelatfuba luhlelo Lwemabhasi Latfutsa Aphindzelela. I-ReaVaya yente ncono indlela bantfu labahamba ngayo.

lwekuhlaliswa kwebantfu kwangesikhatsi selubandlululo ngekusondzeta tikolo, tinsita, ematfuba emisebenti kanye naletinye tinzuzo dvutane nemakhaya ebantfu, ikakhulukati labo labahlala khashane nelidolobha.

Inhloso lenkhulu yeluhlelo Letakhiwanchanti Tenkhululeko kulungisa luhlelo lwekuhlaliswa kwebantfu lwangesikhatsi selubandlululo, kwakha lidolobha lelibumbene kanye nekweni ncono kufinyelela kwemimango kumatfuba etemnotfo kanye newemisebenti.

Kunyenti losekweniwe kutfutukisa i-Rotunda Precinct eTurffontein, Empire-Perth Corridor, Louis Botha Avenue kanye ne-Soweto Corridor eMooki Drive, lokufaka ekhatsi kutfutukiswa kweSithesi i-Nancefield.

Yonkhe lemiklamo yentelwe kukhuphula imimango, kwenta ncono tekutfutsa kanye nekuhlanganisa imimango. Incenye lebaluleke kakhulu yeluhlelo Letakhiwanchanti Tenkhululeko kube kutfutukiswa kweluhlelo lwemabhasi latfutsa ekuphindezela i-Rea Vaya lokuluhlelo loludvunyiswe emhlabeni wonkhe.

KUHLOMISA LUSHA

IJozi nayo yenta taba tekuletsa lusha endleleni lengiyo kutemnotfo ngekusebentisa tinhlelo lethlakaniphile letinjenge-Jozi@Work kanye ne-Vulindlel' eJozi.

Le lidolobhakati letfule luhlelo lolutfutukisako lwetigidzidzi leti-R3, i-Jozi@Work, lokuyindlela leyakhelwe masipala kute asebentisane nemimango ngenhloso yekufukula kwetfulwa kwetinsita tamasipala emimangweni.

Lomklamo wadvunyiswa kakhulu embikweni wakamuya welucwaningo lwemave emhlaba ngemphumelelo yawo ekuhlanganiseni emandla elusha kute luhole intfutuko yetemnotfo lesimeme.

Miphumela yalolucwaningo icuketfwe embikweni lobitwa i-“Accelerating Pathways: Youth Economic Strategy Index 2015”. Lushicilelo lwetemabhizisini loluhlonishwako: The Economist lwayalelwa yi-Citi Foundation kutsi lwente luphenyo kumadolobhakati langema-35 emhlabeni wonkhe lafaka ekhatsi iSydney, London, Madrid, Moscow, Mexico City, Hong Kong kanye neMiami.

Sodolobha Parks Tau uchaza kwemukulwa kwalelidolobhakati njengetindzaba letimnandzi.

“IJozi yati kahle kamhlophe ngesidzango setingucuko letibalulekile kutemfundvo, temabhizisini, ekutfutukisweni kwemakhono kanye nasekucecheseni kute kuhloniyiswe bantfu labasha kulesimo setemnotfo lesikhona njengamanje,” wengete kanjalo.

Umbiko utsi “inchubomgomo kumele ibandzakanye tindleko letinkhulu.” Ubhekise ku-Jozi@Work “njengemtamo lonekucamba lokukhulu” iJozi “letama ngawo kubukana netindzaba telidolobha lethlukahlukene ngesikhatsi sinye”.

Lombiko uphindezwe udvumise iJozi ngobe yente kutfutukiswa kwelusha kwaba ngulokunye kwayo lokuhamba embili ngenca yesidzango setemnotfo nesetenhlo

lesicacile senchubekelembili, ngaleyo ndlela kuguculwe loko lokubitwa ‘simo sesitukululwane lebesesiphelelwa sineke’ sibe litfuba lemphumelelo.

Ngeluhlelo i-Vulindlel' eJozi lelidolobhakati litibophelele ekwakheni imisebenti lemisha leti-200 000 yelusha kantsi libambisene nemabhizisini latimele kute kugcugutelwe ngetimali labo labatawucasha lusha.

IJozi iphindezwe yasungula tikhungo ‘tekwelulekwa kwelusha’ ezingeni lemmango ngenhloso yekutsi kufinyelelwe kubantfu labasha, kulalelwe tikhalo tabo bese kucalwa kubukanwe netidzango etincenyeni letifana netemfundvo, kucecheselwa umsebenti kanye nekusebenta.

Sodolobha Tau utsi iJozi ilidolobhakati “lapho labasha bahola khona lubito lwetingucuko, bafuna khona ematfuba ekusebenta, kwenta ncono timphilo tabo nekutsi babe ngulokuncono labafisa kuba ngiko”.

LIDOLOBHAKATI LESIMANJE LIVULA AMATFUBA LAMASHA

Ithekhinoloji yesimanje itigucula kancane kancane timphilo tebahlali baseJozi njengoba kulelidolobhakati kwetfulwa kwesakhiwanchanti sethekinoloji yelwati lwetekuchumana (ICT) kucala kuba nemandla.

Etinyangeni letisitfupha letitako lelidolobhakati litawuchubeka nekukhulisa



Linyenti lebashayeli betimoto nyalo selipaka timoto talo esiteshini se-ReaVaya bese bagibela emabhasi laya etindzaweni tonkhe eJozi.

kuba khona nekufinyeleleka kwe-Wi-Fi liphindezwe letfule ithekinoloji lensha leyenta ncono kuchumana nebahlali kuphindezwe kwenyuswe lizinga lekwetfulwa kwetinsita. Umcondvo “weLidolobhakati lesiManje” lowavetwa nguSodolobha Tau eNkhulumeni yakhe Yebunjalo Belidolobhakati ucala kubonakala. “Kufinyelela ku-inthanethi kucala kuba ludzaba lekulingana emmangweni wakitsi njengekutfola emanti nagezi,” kusho Sodolobha Tau.

Luhlelo Lolusembili Lwelidolobhakati Lesimanje seluvele lube nemphumelelo lenkhulu kantsi lusatawuchubeka lwetfulwe esigamini sekugcina semnyakamabhuku losetulu.


Kutfolakala kwe-Wi-Fi lemahhala kuya ngekusabalala kulo lonkhe lidolobhakati.



Lidolobhakati iJozi litibophelele ekwakheni imisebenti lemisha leti-200 000 kulusha ngekusebentisa luhlelo lolubitwa i-Vulindlel' eJozi

LOKUVAMILE

Govt sets aside billions for new port facilities



Government is investing billions to new port facilities. In 2014 Operation Phakisa was launched and implemented in the ocean economy, health, education and mining sectors.

Janine Arcangeli

President Jacob Zuma said R7 billion has been committed to new port facilities.

This follows the adoption of a public-private partnership model for port infrastructure development by Transnet National Ports Authority.

Delivering his State of the Nation Address in Parliament last month, President Zuma said government was concerned that South Africa did not own vessels while the country is surrounded by about 3 000 kilometres of

coastline.

"Through the oceans economy segment of Operation Phakisa, we are trying to solve this challenge.

"I am pleased that two bulk carrier vessels have been registered in Port Elizabeth, and a third tanker in Cape Town under the South African flag," he said.

The Operation Phakisa Big Fast results methodology was launched in 2014 and implemented in the ocean economy, health, education and mining sectors.

Through Operation Phakisa, government aims to implement its policies and pro-

grammes better, faster and more effectively.

Another positive Operation Phakisa development has been the launch of a fuel storage facility in Cape Town, bringing an investment of R660 million.

"Aquaculture appears to be an important growth area within the oceans economy segment of Operation Phakisa. Close to R350 000 private sector investment has thus far been committed in the aquaculture sector.

"Nine aquaculture farms are already in production. These farms are located within the Eastern Cape, KwaZulu-Natal, Western Cape and Northern Cape," said the President.

Operation Phakisa is an adaptation of the Big Fast Results methodology that was first applied by the Malaysian Government, successfully, in the delivery of its economic transformation programme.

The operation addressed their national key priority areas such as, poverty, crime and unemployment.

It involves setting up clear targets and follows up with on-going monitoring processes which makes the results public.

Through this initiative, the Malaysian government was able to register impressive results within a short period.

> Ichubeka isukela elikhasini le - 1

"Eskom, nanome nje anetinsayeya, usakhona kugcina temnotfo tichubeka, ekhatsi kwetinchabhayi. Tikhungo tetfu tentfutuko letinjengeNhlango Yekutfutukisa Timboni (i-IDC) kanye Nelibhange Lentfutuko Ye-Afrika leseNingizimu, kanye naletinye tiniketele ngemali yesakhiwanchanti kutimboni letehlukene kanye nakumabhizinisi etekulima ngaphandle kwekwehluleka, nangemuva kwetinkinga tetimali emaveni emhlaba, "uphawule kanjalo.

LUHLELO LWEMAPHUZU LAYIMFICA

Mengameli Zuma uphindze wakhuluma ngentfutuko lehambisana neLuhlelo Lwemaphuzu Layimfica lalumemetela nyakenye, watsi kunenchubekelebili leseyentiwe emkhatsi kwalokunye kute kusimamiswe kuphakelwa kwagezi.

Luluhlelo luhlose kufukula kukhula kwemnotfo luphindze lwakhe imisebenti ledzingeka kakhulu. Luluhlelo lucuketse, ekhatsi kwalokunye, kuvuselelwa kwetekulima kanye netinhlelo tekujanjiswa kwemkhacito wetekulima; kutfutukisa kuzuza, kuvula ematfuba emabhizinisi lamancane kanye nekubukana netinsayeya tagezi.

Mengameli Zuma utsite hulumente use ngetigidzigidzi leti-R83 ka-Eskom, lokwente kutsi lenkampani ichubeke nekusisa eMedupi naseKusile, ibe ichubeka kahle ngeluhlelo lwekulungisa.

Lamanye emayunithi agezi lavela esiteshini sekuphehlagezi i-Ingula atawuhlanganiswa nga-2017, nanome nje lamanye awo

atawucala kuhlanganiswa kulomnyaka.

Tikhatsi letibe tinyenti tekubhidela Luhlelo Lwalabatimele Lwekukhacita Emandla Agezi Lovuselelwako tihehe kusisa ngetigidzigidzi leti-R194.

"Lomtamo usibonelo lesivakalako sekutsi hulumente angasebentisana njani nemkhakha wangasese kute kutfolakale tisombululo tetinsayeya letikhona njenganyalo letibukene nelive lakitsi."

Mengameli utsite kulomnyaka hulumente utawukhetsa lababhidile lababonakala bakulungele kuba bakhaciti labatimele bemandla agezi lophehlwa ngemalahle.

ININGIZIMU AFRIKA YENTE INCHUBEKELEMBILI LENYENTI

Akhuluma kulihlelo lamabonakudze i-The New Age Business Briefing, eKapa, ngelusuku lolulandzela kwetfulwa kweNkhulumo Yebunjalo Belive, Mengameli Jacob Zuma utsite nanobe silive elibuswa ngentsandvo yelinyenti elisafufusa, senta inchubekelebili ekwakheni umnotfo lonemandla lohlanganisako.

Wengete ngekutsi nanome kusekunyenti lokusamele kwentiwe, wenetisekile ngenchubekelebili leseyentiwe ngulelive.

"Ngiyakholwa kutsi njengelive, nakubukwa umnyaka wetfu kanye netinsayeya, sente inchubekelebili lenhle.

"Sibukene netindzaba tetenhlahakhe letitsintsa live lakitsi kantsi futsi sakhe nemisebenti kepha inkinga lekhona ngukutsi ngalesikhatsi sakha imisebenti, siphindze silahlekelwa nguleminyeye imisebenti," ushito njalo Mengameli

KUFUKULA KUSISA

Hulumente, ngekusebentisa Litiko Letekuhwebelana Netetimboni, wetfule lokunyenti lokugcugcutelako kuleminyaka

lembalwa leyengcile kute kufukulwe kusisa emikhakheni yekukhacita, ikakhulukati yendvwango, sikhumba kanye nemikhakha yekwakhiwa kwetimoto.

Mengameli utsite kugcugcutela lokwetfulwa emkhakheni wetimoto kuhehe kusisa lokungetulu kwetigidzigidzi leti-R25 kuleminyaka lesihlanu leyengcile.

Kwakhiwa sekucalile lokungenani etindzaweni letisihlanu i-Agri Parks, letifaka ekhatsi iNshonalanga Randi eGauteng, iSpringbokpan eNyakatfo Nshonalanga, iWitzenberg eNshonalanga Kapa, iNcora eMphumalanga Kapa kanye nase - Enkangala eMpumalanga.

Mengameli utsite hulumente etikhatsini letinyenti utsetse tincumo letimatima kantsi futsi usise etindzaweni letahlukene kute

kwentiwe ncono lizinga lemphilu yabo bonkhe bahlali balelive.

"Besisolomane sisebenta kamatima kusisa. Kwenta sibonelo, sakhiwanchanti ngulenyeye yetintfo letibonakalako lesente inchubekelebili kuyo kulelive. Sakha titeshi letinkhulu tekuphehla gezi kute senetise tidzingo tetemnotfo kanye netidzingo tebantfu.

"Sente luhlelo lwavelonkhe lolwemukelwe ngibo bonkhe bahlali baseNingizimu Afrika... Sente temfundvo taba sembili saphindze sehlukenisa litiko kwaba neTemfundvo Lesisekelo kanye neTemfundvo Lephakeme ngenhloso yekwenta kutsi linyenti leahlali baseNingizimu Afrika, lebelikhishelwe ngaphandle ngaphambilini, libe yincenye yetemnotfo," ushito njalo.



Bantfu labasha baseNingizimu Afrika bebajabulile ngaloko Mengameli Zuma abetakwetfulela sive.